


Broj: 03-02-931/2021
Sarajevo, 12.11.2021. godine

PARLAMENT FEDERACIJE
BOSNE I HERCEGOVINE



B-4

- Dom naroda -
gosp. Tomislav Martinović, predsjedavajući ✓

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje o Prijedlogu izmjena Zakona o plaćama i naknadama u organima vlasti FBiH - skraćeni postupak, koji je predložila Segmendina Srna Bajramović, delegat u Domu naroda Parlamenta Federacije Bosne i Hercegovine**, a koje je Vlada Federacije Bosne i Hercegovine utvrdila na 290. sjednici, održanoj 11.11.2021. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

**Cc: Federalno ministarstvo pravde
gosp. Mato Jozić, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), nakon razmatranja Prijedloga izmjena Zakona o plaćama i naknadama u organima vlasti FBiH - skraćeni postupak, koji je predložila Segmendina Srna Bajramović, delegat u Domu naroda Parlamenta Federacije Bosne i Hercegovine, Vlada Federacije Bosne i Hercegovine je, na 290. sjednici održanoj 11.11.2021. godine, utvrdila sljedeće

MIŠLJENJE

Parlament Federacije Bosne i Hercegovine donio je Pravila i postupke za izradu zakona i drugih propisa Federacije Bosne i Hercegovine („Službene novine Federacije BiH“, broj 71/14) kojima je u članu 1. propisan obim primjene pravila u odnosu na subjekte, pa je propisano da su ovih Pravila i postupaka za izradu zakona i drugih propisa Federacije Bosne i Hercegovine (u daljem tekstu: Pravila), dužni pridržavati se nosioci normativnih poslova prilikom pripreme zakona i drugih propisa u institucijama Federacije Bosne i Hercegovine.

U stavu (2) ovog člana preporučuje se nosiocima normativnih poslova u kantonima, općinama i gradovima da primjenjuju ova pravila.

Pravila u članu 2. propisuju obim primjene u odnosu na objekte, pa je u stavu (1) tačka a) propisano da će se Pravila primjenjivati i prilikom pripreme i izrade zakona.

Odredbom člana 3. Pravila, propisana je struktura propisa. U stavu (1) ovog člana propisana je sljedeća struktura: a) uvodni dio, b) glavni dio i c) završni dio.

U članu 5. propisan je sadržaj uvod - pravni osnov za donošenje propisa. Ova odredba propisuje da je uvod dio propisa koji se nalazi iznad naziva propisa, a sadrži podatke o pravnom osnovu za donošenje propisa, odnosno odredbe iz kojih proizilazi ovlaštenje za njegovo donošenje.

Uvod pravnog propisa predstavlja proceduralni put kojim propis dolazi do svoje pravne snage, pozivajući se na propise više pravne važnosti, ime organa koji donosi propis, broj sjednice na kojoj je organ donio propis, kao i datum donošenja.

Kada je organ koji donosi propis prethodno obavezan pribaviti mišljenje ili saglasnost nekog drugog organa, uvod sadrži i naziv organa koji je dao mišljenje, odnosno saglasnost za donošenje propisa.

Uvidom u Prijedlog izmjena Zakona o plaćama i naknadama u organima vlasti FBiH delegata Segmendine Srna Bajramović (u daljem tekstu: Prijedlog), vidljivo je da ne postoji uvodni dio ovog propisa.

Također, naziv Prijedloga glasi: „Prijedlog izmjena Zakona o plaćama i naknadama u organima vlasti FBiH“, a trebalo bi da stoji „Zakon o izmjeni Zakona o plaćama i naknadama u organima vlasti Federacije Bosne i Hercegovine“, budući da se radi o jednoj izmjeni, te da član 6. Pravila propisuje da je naziv dio propisa koji se stavlja iza preambule-uvoda a sadrži osnovne informacije o materiji koju propis uređuje i na osnovu kojih se on identifikuje. Naziv se ispisuje bez skraćenica i bez znakova interpunkcije.

Isto tako u članu 1. Prijedloga nije naveden puni naziv zakona koji je predmet izmjene i broj „Službenih novina Federacije BiH“, u kojima je isti objavljen.

Dakle, Prijedlog zakona podnosi se u obliku u kome se donosi zakon što je i propisano u članu 171. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03, 21/09 i 24/20).

U konkretnom slučaju radi se o ovlaštenom predlagaču u skladu sa članom 155. Poslovnika o radu Doma naroda Parlamenta Federacije Bosne i Hercegovine .

V. broj: 1667 /2021
11.11.2021. godine
Sarajevo



PREMIJER

Fadil Novalić